

大清光緒十四年

本館新聞除禮拜外日出一張  
諸君賜閱本報者無論  
本埠外埠均可函致本館取  
閱如外埠閱報照加寄費可  
也除日報照常刊送外復不  
惜工本從英國採辦釘書機  
各機器以待與 各官商  
刊印書籍單件並有英國各  
體活字及各式花邊等延有  
西人操印工藝精絕所有中  
西文字均能刷印並有石板  
印字大小機器均用精工

第一千九百二十二號

# 申報

本館開設在舊巴武口牌第十四號

印工緻絕倫前延有文士書  
寫各體文字現由上海購到  
各種書籍出售其書目另行  
刊佈所有各項價甚相宜再  
本館所登來札原擇其有關  
世道人心者附登亦不須無  
礙於人而後錄其有謬誤  
成文以及支離費解者概不  
登報嗣後 諸君來札尚祈  
自諒更須寫實前單而後敢  
登但來稿登與不登均不能  
將原稿收回也 本館謹白

戊子三月初一日

凡刊印告白 每字一仙 第二日以下每字半仙 凡刊印告白 每字一仙 第二日以下每字半仙 凡刊印告白 每字一仙 第二日以下每字半仙

寄報聲明 ○啟者本報所出報紙其價係按年而算而半年開單一次領取此與零沽者有  
所不同近見外埠諸君取閱本報者或有僅一二月之久即為止礙其更有取巧者取閱本報迨屆半年開  
單往收報價之時則竟託詞謂已致函本報着為停寄何以復送前來緣是即欲圖沒報資殊堪痛恨竊思  
本館之報原期大眾同觀事之濟否不在一人倘不欲賜閱即以一函投諸本館斷無有不為之止截豈有  
強人看閱之理則此言之詐可知茲特聲明 諸君止看本報者必須由國家信館寄功投之本館  
始為准信倘本館未接來函乃為派送則不妨再為示教至於取閱報紙必須至一年半年方能止截否即  
作為零沽常按價索償勿謂言之不預也特此聲明  
本館謹白

## 論德國發下力山打事

下力山打入發於德聞者咸疑焉曰夫下 山打俄之仇也在俄國方且切骨銜之而德竟與之聯婚且暨  
於國中得無犯俄之怒乎然不知此中道亦未嘗無故存焉查下力山打美風儀多才智明大義善兵機早  
為歐洲列國所同欽其所以動俄之怒者亦因其建國後不傾心以向俄耳按下力山打之王時也任俄不  
能遂其私願固怨之甚切然傍觀公論則未嘗謂有非之蓋馬國初本土之邊鄙俄勝七後強割之以為國  
然仍令其歲時脩貢於土是即在俄之意亦不敢不謂馬為土屬然則下力山打之背俄附土亦其分所應  
然不昧本心尚不失為君子乃俄則用計廢其君位 至于乘之主一旦流離失所無可倚歸德憐之故  
以皇愛女而贅之於國夫德之敢為此事亦豈不知必櫻俄人之怒耶諒亦必深思熟計必無所害而後敢  
為蓋俄國雖強而德亦堂堂大邦其勢力當不在俄之下今俄國雖惡下力山打然仍不失為俄親俄俄  
切齒於其人但尚未降 罪條然則又何怪德國之為婿即俄人果不自量而與罪之師則德國之  
力未嘗不可以禦之更得下力山打以為之佐蓋下力山打用兵之善固為天下所共聞且其生長於俄平  
素知俄虛實又曾執俄兵柄則於俄之兵事久已深知得其人助德邦又何患俄之相犯且俄欲為之  
計較則又師出無名焉諒此事俄雖深恨德之所為亦斷不敢公然決裂也夫德國今日方與俄結好德  
先皇於臨崩之際曾囑皇孫曰汝他日當善事汝舅俄皇以承汝祖之志則德俄睦之聲可知更觀卑士  
麥遇事均從順俄人則何至今日竟至贅俄之仇以為愛婿是則其中之隱豈無有人斡旋於其內哉記當  
日卑士麥語俄皇之言曰近有不洽臣與貴國之人故設計以間吾兩邦之好可見暗中作事者未必無人  
則今日德公主招贅下力山打之由諒亦未必不由於此在德國亦未嘗不知此舉有犯俄人之怒然自量  
勢力尚不下於俄人更觀英皇聞下力山打就親則亦願道往為一遊特與下力山打沿途作伴此殆明示  
俄人俾知英亦愛下力山打而使其不敢遽然妄動也嗟乎在俄今日怨之者亦多矣歐洲各國以俄為  
最大然其中兵力亦以為俄為最强既大且強則未嘗不招羣邦所忌然若使能持盈保泰則尚能暫固昇平  
今俄不惟不知自脩惟一意率其貪橫罔顧羣邦之怨與國王既王於馬則俄與已伏有隱憂今德復贅  
俄之仇則俄德又生新隙想德俄與當日原屬同盟之國交好甚敦乃未幾而俄君悔盟又未幾而與君復  
悔盟以至於今則盟約久已置而不論今德復贅下力山打則俄人益怒即雖不至驟為決裂然恐俄德之  
勢已於此而遂分矣今試以歐洲之局而觀之若德與俄合在德國固謂可暫保昇平之局然於事實無所  
裨蓋俄固虎狼之國也不能以義結以情孚若德合俄反足以長成其驕志觀俄今日與意與兩邦已幾至  
出於決裂干戈之作實在指顧間今若使俄果怨德則俄德之勢遂分德既不和於俄則必與意與兩邦共  
籌防俄之策然則德國招贅下力山打正所以阻俄人貪驕之謀也又奚害焉

## 德事電報

廿七日德京發來電報云現在德皇已決意不允卑士麥辭官至其公主招贅下力  
山打為婚一事現已展期應俟馬國之事定後始行台卷之禮云想德皇此舉大抵亦因挽留卑公之故至  
出是策也

## 俄馬電音

廿七日德京發來電報云俄皇現已有言甚喜馬國自立其君惟斷不能選天主教  
人以主社稷至俄於馬事則亦斷不以勢力為之而馬國即立新君俄亦不派臣往為監國云云想亦因馬  
國於此事操之太堅俄恐公論有違故不敢強為干預也

翰林院侍讀學士錫鈞著照部議降四級調用不准抵銷欽此○初九日奉 上諭此次京察引見年至六十五歲以上之戶部主事玉福太常寺筆帖式慶昌光祿寺典簿榮林順天府訓導溫知敏均着以原品休致餘着照舊職欽此同日奉 上諭四川成都府知府員缺緊要着該督於通省知府內揀員調補所遺員缺着恩壽補授欽此同日奉 硃筆韓文鈞補授翰林院侍講欽此

德京電報

○廿六日德京發來電報云現在德皇已決意將其公主與下力山打為婚至前電所言卑士麥欲辭位一事不過欲規皇意今見皇意決而卑士麥已不決意辭官矣電文若此按昨報所謂某親王女與下力山打為婚此係一時誤傳實則德皇之女即英皇之外孫女也查下力山打身軀脩偉氣度不凡據各西報言下力山打之丰姿為歐洲第一且多才智性勇敢善於用兵嘗沙非亞以兵犯馬時連陷數城沙軍長驅直進時傍觀者莫不代為馬危嗣下力山打親率六軍與沙軍決勝一時軍士踴躍用命竟反取為勝前者被沙所侵之地盡行克復以是沙人懼始為請成然當時若非下力山打之力則馬國全境已為沙有且不但此而已也迨至變起蕭牆逆臣作亂擒之囚之解赴俄都沿途肆辱不堪當是之時若非下力山打之堅忍則安能保全無事蓋其才其智其勇其忍均有足多者誠今世之豪傑哉夫馬國當日逆臣作亂變起操場皆為俄國之謀今俄志雖成而馬國亦不能歸俄有下力山打今日且為德皇之婿況今馬邦之事正在紛紛下力山打之能復國與否仍未可知然則俄亦何苦枉費其心力耶

意亞電音

○廿六日羅馬都城發來電報云現在意軍以薄暑時行已停戰務而其大隊不日將遣撤回意觀此情形則意亞或可議和不至出於苦戰矣

欺以其方

○聖聖云君子可欺以其方難罔以其非其道然則雖明知其不是但聽其言之在理則亦不能不信以為然也廿四日有某穆拉油差押一華人陳桂生赴府堂審訊而差固年少無知新充差役將犯押至公堂即命其坐於觀審處而已即往外間尋覓原告迨差回時則陳已不知何往矣府憲乃責該差送飭其尋覓幸翌日即復被獲於廿六日解送公庭是日係禮拜六輪應正堂總訊因提到該犯訊其私逃之罪犯供是日原非逃脫乃坐候甚久不見差到而午堂且散堂中聞其無人吾以為此案諒必無須提訊故自回家耳何道為府憲聽其所供殊在理中因開釋其逃遁之罪不究云

軍火被控

○前報曾錄查緝私載軍火之巡差密文控告荷旗之穆拉油船私載軍火一案不知復有與此事儼出一轍者亦有荷旗之穆拉油船名馬哈里隣其主人下兒斯民現在亦為該差所控謂其未領執照私載軍火出口并阻止查搜等由現此案命押候三月朔日再行提訊被告命覓保人署立保券五十元保出在外候訊

賽馬將屆

○本坡每年賽馬二次現在賽馬之期又將屆及是以本坡諸人畜有良馬者莫不臨風而駛以便馳騁爭雄而夙具伯樂之才識者亦紛往相閱驪驪以便他日開賽之時得以擇而相助以故平原芳草連日印遍蹄痕也


俄王神力

○歐洲報云前者俄皇出遊道經哥本乃額地方該地係匈麥所屬者某術士素以戲法著名聞俄主駕臨因請在皇前獻技皇許之術士乃登場演奏畢皇擲幣而笑曰汝術誠精矣而朕尤有奇者當為汝試演之時術人適手持西國紙牌一副計共五十二張紙質甚厚乃糊裱而成者計全副厚約二寸有奇其堅已不殊鐵塊皇即向術士取此牌隨手擊之竟分為二因笑問術士曰汝能之否術士遂謝不遑皇乃大笑賞賜術人而去西報述此事因曰此本俄皇生平絕力并非戲術云云然則拔山舉鼎之雄殆又見於今日也雖然為君者當知大勇敢以此語敬為俄皇告焉

天譴不孝

○人生天地之間當思大本大原先求無忝誠以恩深固極報之畢生而不足忝之一刻而有餘况嗜慾叢生以有用之資財供無限之化耗以致高堂白髮仰屋徒悲與其有子而玷厥家聲不若無子而寧風木昂藏七尺何亦忍為此態哉然而不孝者猶謂詭然以為抱負非常不必孺茲末節竟以天倫重地等語陌路悠悠億萬惡以不孝為先吾恐父母之不以為子者猶其淺焉者耳而罪滿貫盈應遭天譴蒼蒼者天殊非夢身來何處能不自勵歟觀區某之不孝其母而終染廢人之疾一事殊亦令人急自猛省而作前車之鑒焉區某諱其名從忠厚也區本客籍人生長於麻六甲梓樹早瀾北堂草草向日猶榮然家本素寒年將而立猶未壯應有室第以天性早瀾行為乖謬定嘗晨昏不知何物於是重利離棄母外出飄然至叻業已費易萬莫先是區抵叻時為傭工月中所獲賭蕩花銷而嗜養之費概置度外故其母以餬口無費遂為附庸子財意欲就養除年許知頑梗性成依然仰事終虛母故怒其不孝悌然賦歸乃矢曰不及黃泉誓無相見而區亦驕外視之語不知悔一若秦越人之漠不相關也若此三年前之區也自是區每有所獲亦不思來處艱難揮霍恣情豈不知惜以有用之資財使一身之嗜慾尚以為占得人間豈福此外別無餘思於去月間戲裡尙有餘費又作問柳尋花之事綉縹雲雨慣在天台擲錦纏頭愛不知別不料天道好還悲由樂至哀告竭惡病叢生自是失業賦閒無費遣醫紛纏病魔面目已非相厥隴兒竟亡鼻纒然而諸病交作日益增劇臭腐不堪聞皆掩鼻從前密友親朋至是一枝莫借聞於廿四日區乃自詣於西醫院求治第不知藥石有靈後果如何奏效然而鼻纒已缺難望復完所謂馬角天生空勞盼矣然而區之染此惡病說者謂區之不孝其母故天譴之乃有如斯慘報諒或然歟錄之以為天下之為人子者告

啟者本公司製造各種開關新式汽機等件地方交易多年專造一切靈巧機器火輪火礮放大薯粒之器具及大小輪船汽機鐵龍各種新式鋼鐵器皿一應俱全無不堅固耐久務便合用應六甲地方本公司備設有分廠並



代中西士商修整各種損壞機器工價格外公道如有 貴客賜顧者請至本廠面議特此佈聞 西一千八百八十一年十一月廿六號 繼來安公司啟


**美國峇打沙厘號新欵時鏢出售**

敬啟者本行由歐洲辦到峇打沙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之期靜時之寒暑均無不驗所行暑度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生精二利也又其鏢機輪甚佳且殊堅固最堪耐久即運代遠亦無廢壞之虞三利也至其鏢製甚精不惟適用而且美觀令人見之愛不釋手四利也矧其價甚廉較之他表須三元始能脩理者而此表則不滿僅六角之資即能修復甚且無須六角蓋其機器係為新創其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而峇打沙厘號製有表鍊甚多各欵俱備且其欵最新其工最巧較諸近來行用者又勝一籌矧其價復甚廉鍊價僅由六角至二元至其表鍊黃者如金白者如銀令人觀之無從辨其真贗倘諸君有欲購買者請至本坡各洋雜貨店中相閱如該貨未備則請至本行面商本行坐落土庫後街順豐銀行之鄰 諸君焉臨移 玉趾至於本坡則惟本行代理並無別家前此佈聞 諸惟惠鑒

大英一千八百八十七年六月十五號 大清光緒十三年閏四月二十四日

莫實得洋行謹啟

**蜜酒出賣**



啟者茲本行由歐洲辦到上等密酒來叻發售其酒甚佳茲將標頭印出請君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能散往

加勝吧 三寶 泗里末 望加錫 檳榔嶼 日里等處其餘各埠均能運往特此佈聞

百八十六年十一月十日

莫實得洋行謹啟



**中外眾國有限保險公司**

啟者本公司總局設在香港多年備有資本銀二百萬元已先收股份人來銀六十萬元及餘存銀六十萬元在叻係本行代理承保各商貨物銀項運輪船往來各埠其保費均照例所有花紅之銀俟結賬之後按股分派前一千八百七十八年一千八百八十年每股得利息銀計五八仙又一千八百八十年至一千八百八十二年每股得利息銀計一十八仙諸貴商賜顧者請至本行面商可也 大清光緒九年 月 日 英一千八百八十三年八月廿七號 毛質德公司謹啟

啟者現本行新由上海到石印各書甚多約計百餘種茲以廉價發售諸君欲購者請至本行面商可也 大清光緒九年 月 日 莫實得洋行謹啟





命案請驗 ○昨錄英兵新岑倒斃一事其中情節業已約略登報茲則公差報案請驗業經驗屍官馬君暨同陪隨諸員勘驗畢據謂該屍所斃頭腦均裂破厥破痕澤似擊傷致斃者然而案關人命所繫匪輕尚須稽察周詳未便判詞輕決故權將該屍先飭棺殮是亦重人命之意也

車傷行人 ○蔡甲閩籍人向在甘公加博開食力於去月廿八日緣事外出躋至途次忽為馬車推仆於地該輪輾傷厥身負痛不起該御見車傷人急著禮鞭電馳脫去嗣有蔡友某乙道其間見蔡傷仆道傍始呼手車輿備遣醫以治蔡亦可謂無妄之災者矣

嚴懲賭徒 ○海南人林阿鑾賦性狡展制行復汚其所謀升斗概非由正業而來據說者謂其生平行徑前作竊人兇利今則藉賭營生故在福壽山街稅有門牌第四十五號之宅以作天師之館居恒常設賭具以術愚人衣食之資惟賭是賴於去月二十七夜適招有賭徒多人開場交博蟻聚蜂屯賭與偏豪不料又為綠人偵知通報捕房故總差福建立會同拘賭五號公差馬建都士者偕赴賭場拘獲至於門見林看守即拘之徐入室中搜察果見賭具森羅噫吁嗟遂即一網擒去統拘賭徒五人併林逮案廿八日經府太守堂訊以林私設賭具已屬弁髦王法判罰英銀十元林復在門前把風實係異常胆玩復罰監禁廿八日以蔽愆愆禁滿後仍須覓保人署券五十元保其六閱月內永不再犯賭案方允開釋其餘賭徒五人判罰每名英銀五元示儆

助費賭里 ○潮人孫甲與方乙瓜葛之親也孫向寓於長泰街口某店樓上近則失業賦閒緣貧思食以染貫遺痼癖不料錢神不佑有賭皆輸金盡床頭飄零異地阮囊羞澀艱苦大都備嘗而方向在柔佛經商術擅居奇錫錄頗積於去月廿八日囊有自餘金低叻購置貨物意欲運回柔佛發售歸費故以孫寓作居停之所嗣方察孫近况始悉困乏難堪遂欲助其費本使彼自圖生活因出英銀八十元與之囑曰好自為之毋貽外人笑拙也詎孫自得資到手賭念復萌潛赴賭場復行交博不料賭符未獲有戰皆北後即回寓復向方借貸多欸以作背城之戰然方察覺所行怒其赴賭不肯如願相借執意賭胆如天竟扭方圍槍方弗敵猝被其奪去英銀四十元飄然而去不矜時喪氣而返方察其情知該欸復向賭場易去自茲而後孫則默然癡念自顧不可以對人乃暗贖芙蓉欲為畢命幸方早知其事因而止之復助川費二十元使之即歸故里免為落魄天涯孫承此厚恩勉為允諾而方以勸告告竭於廿九日即回柔佛矣第不知孫此後果能改悔挾貨東歸否也然則方之海量汪涵足以風矣而孫何其甘自暴棄以至此極耶

君子學道則愛人 小人學道則易使也

觀學道之效益和禮樂之當講矣夫君子何以愛人 小人何以易使 學道故耳不益見禮樂之不可少歟昔先王之立學校也春秋教禮樂冬夏教詩書無非使貴賤尊卑咸遵於道耳顧在上者未能學古以入官御下必少慈祥之念而在下者未能隨時而施教事上必無忠敬之誠悔慕休風道維往訓覺言猶在耳正不妨一述於先生長者前也假何以念及夫子之言哉誠以牛刀之喻似有異乎昔所聞者子不嘗曰君子學道則愛人 小人學道則易使乎試即君子而先論之遐陬僻壤之區無多世胄則敦詩說禮似非未吏所優為而不知非也假今者請業有年覺夙昔之提撕宛然如昨日百君子向其勿貽無術之譏蓋爾彈丸之地盡屬顯愚則樂淑禮陶又非閭閻所服及而不知亦非也假今者追隨艱難所以憐樂國者碩鼠與嗟傷失所者哀鴻致戰執主宰是而忍令斯民流離若此乎夫亦昧保赤之旨矣抑吾觀今之為君子者重茵列鼎罔知草野罔聽朝廷命令所以備干城者無聞置鬼怨久役者莫頌鮪魚誰寶為之而竟使下民傲慢若是乎夫亦昧子來之職矣君子小人道其愛人易使自有不期然而然者特是愛人易使有互證之理焉自以為愛人而實惠未加非誠於愛人者矣自以為易使而從公不免非誠於易使者矣必期其易使也必於小人見其愛耳易使也必於君子見其易然後上下之交孚者為獨真且愛人易使有相因之勢焉君子之愛人痼痲在抱不之感召者彌擊假昔所聞諸夫子者如此非與牛刀之喻若相反耶

賦得春水瀟瀟四澤 得春字五言六韻 ○臣心原似水 帝澤總如春四面添桃漲週圍滿翔塵行吟前有畔問渡却無津船訝來天上人疑到海濱潮青鷗夢穩波綠鷓鴣頭新共慶安瀾日歡騰 禹甸吟

京報選錄 ○奴才定安跪 奏為較閱字營大操情形並查驗餉項軍械馬匹緣由恭摺陳仰祈 聖鑒事竊奴才行抵奉天業將到省暨接收關防日期奏報在案所有練兵事宜查閱接督奉宗前將軍慶裕訪詢一切機宜極妥慎經理冀收實效惟兵之用費乎精求精之功費乎勤練現在將軍慶裕假期未滿奴才即揀於本月二十四日親赴教場揀閱盛字營馬步十營合演大操步伐尚屬聯絡整齊練式頗能分合變化演放克勇伯車炮機械甚覺靈動從此精勤練習易成勁旅至於餉項軍械馬匹關係緊要已派委員盤查點驗所存餉銀以及海軍衙門所籌撥前後股各項洋槍已各勻撥三省盛字營分撥前股來福洋槍俱發各營為常操之用後股毛瑟洋槍並隨鎗子藥均存庫未動尚有馬鎗步鎗六轉手鎗均已查驗數目與冊相符其兩起馬隊暨駕演車炮馬匹查看壯健統計奉天盛字營現存項械馬匹並無

會賢社二月課卷 第一名王沛霖

會賢社二月課卷 第一名王沛霖

會賢社二月課卷 第一名王沛霖

會賢社二月課卷 第一名王沛霖

會賢社二月課卷 第一名王沛霖

短殘缺至吉林黑龍江兩省已飭查報容到各該省時查驗明晰再行詳細具陳竊思三省練兵之舉實朝廷根本之計遠大之圖規模雖已創立必區畫悉臻精審方足垂諸久遠奴才受事伊始固不敢執持己見動議更張亦不敢拘守前規不求損益惟於未盡事宜隨時會商各省將軍觀察時勢加意講求總期兵馬不虛糜以仰副委任之至意所有較閱盛字馬步十營大操並查驗餉項車械馬匹各緣由理合繕摺中陳伏乞 皇太后 皇上聖鑒 奏奉 硃批知道欽此 ○希元等片 再現准部咨鄭工新例酌增條款內謂道府以至佐雜等官凡係應屆候補用者准有捐指奉天吉林和用等因奴才查吉林向無指省分發之例自光緒七年變通吏治改派民官以途以收得人之效今部臣因河工需用孔急酌增捐指吉林之例以資集款深恐此端一開非特吉林缺少人多徒形擁擠且慮流品不齊於吏治官常大有關係除奉天一省應由該省核辦外合無仰懇 天恩俯准 飭部將捐指吉林一條酌刪以重 根本而符舊制至吉林縣缺僅止敦化一處瘠苦異常先已有據發奏留兩項人員近復有簽掣知縣到省以一缺而候補者四五未免得缺無期相應請 旨飭部一併暫停簽分請附片具陳伏乞 聖鑒 奏奉 硃批着照所請該部知道欽此 ○曾國荃片 再江海防務以鎗炮為先田雞炮一項尤為軍中利器茲據洪南籌防局司道詳稱准統領銘武春字等營記名提督張景春咨稱前因金陵機器局造撥田雞炮二十尊業於濱江要隘蓋造炮房外築圍牆以資操練惟此項炮地位係用開花子彈全在平時測算度數講求取準之道臨時乃能心手相應然必時常演放始得甘窳要而操練此炮非數十人不可稍不合法害亦隨之擬募熟手教習一名指示操法約計每月薪水不過二十兩之數加以操演需川藥袋繩索以及油漆礮洗等費每炮一尊約需給炮費三元即可敷用詳請奏立案前來臣查該統領所請係為力求制勝起見所費非多而於防務實大有裨益應即照准以資練習除咨查照外理合附片具奏伏乞 聖鑒 奏奉 硃批該部知道欽此 ○潘蔚片 再署貴東道吳自發因病出缺業經另行懸報在案所遺員缺查有前充補用道貴陽府知府員鳳林資任事機實無欺堪以署理所遺貴陽府缺查有石阡府知府趙爾翼才識明通辦事穩練堪以署理遞遺石阡府缺查有候補知府李之錫明白安詳堪以署理據兼署藩司馬不搖具詳前來除檄飭遵照外謹會同雲貴總督臣岑毓英合詞附片陳明伏乞 聖鑒再所遺貴東道員缺現在揀員請補合併陳明謹奏 硃批吏部知道欽此

**憲** 大英國欽命叻嶼甲三州府輔政使司 為招商承餉事照得三州府所設之烟酒兩碼將已到期照例先期招商承充本屆餉碼係於西一千八百八十九年正月一號起承辦以三年為期計開 新嘉坡烟酒碼 檳榔嶼烟酒碼 麻六甲烟酒碼 以上各碼如入票承充者或一碼或數碼須於英本年九月三號十二點鐘以前將票寄交新嘉坡輔政使司或檳榔嶼麻六甲參政司其票內要書明投票人之姓名住址事業以及担保之人零沽烟價在叻嶼二處每兩最多沽銀二元二角每錢沽銀二角六占在甲卑每兩沽銀二元每錢沽銀二角四占在甲山頂則每兩僅沽銀一元七角每錢沽銀一角七占各票或棄或取皆由國家主裁酌量辦理務期利便投票人不得執價高者得之例凡有欲知詳細者可到叻坡輔政使司署或嶼甲二埠參政司署詢問便知一切此示  
大英一千八百八十八年四月七號 大清光緒十四年戊子二月二十六日

**憲** 大英國駐劄芙蓉詩林萬等處地方參政司 為招商承餉事照得芙蓉全境除龍宜宋宜勝爺盧骨三處之外向設有烟土碼酒碼以及賭當二碼今將到期故照例先期招商入票承充本屆餉碼係於一千八百八十九年正月一號起承辦以三年為期計開芙蓉全境除龍宜宋宜勝爺盧骨三處地方以外之 烟土碼 此碼每土一粒可抽稅銀六元 酒碼 此碼可以自行造酒發賣並可出牌與別人販賣凡遇載酒進境者除龍宜等三處以外亦可照王家所定之稅則抽稅 賭當兩碼 此二碼須照王家隨時所出之規條而行再字厘巫各碼與以上之碼相同現亦招商入票承充凡有欲知詳細者可到芙蓉參政司署詢問便知抑付信往查亦無不可但各票須於英本年九月三號十二點鐘以前送往詩林萬參政司署或芙蓉或取均由王家定奪不得執價高者得之例先此示明以免後論  
大英一千八百八十八年四月七號 大清光緒十四年二月二十六日

**憲** 大英國駐劄芙蓉詩林萬等處地方參政司 為招商承餉事照得龍宜宋宜勝爺盧骨所設之烟碼賭碼當碼酒碼將已到期照例先期招商入票承充本屆餉碼係於西一千八百八十九年正月一號起承辦以三年為期計開 龍宜 宋宜勝爺 盧骨三處地方烟碼賭當二碼此二碼 須照王家隨時所出之規條而行 酒碼 此碼可以自行造酒發賣並可出牌與別人販賣凡遇載酒進境者亦可照王家所定之稅則抽稅 凡人欲知各碼詳細以及一切準內各種植家例准自行載烟進埠煮用並可減價買酒等情形可到芙蓉參政司署詢問便知抑付信往查亦無不可但各票須於英本年九月三號十二點鐘以前送往或乘或取均由王家定奪不得執價高者得之例先此示明以免後論  
大英一千八百八十八年四月七號 光緒十四年戊子二月廿六日



